



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, [1659 erschienen] 1660

S. Nilvs Abbas. 26. Septembris.

urn:nbn:de:hbz:466:1-42032

visus per somnum ipse CHRISTVS impulit. Itaque brevi post mortuus pater viam in acceptis filiae tulit. Ceterum fuit & Vernasio nescio quis Aglaïdus, qui oblitus virgines esse, quas colebat, Musas, imparis amoribus extremum IUSTINAM deperibat. Sed Palladem scilicet castitatis ægide contra omnes preces & minas armatam reperit. Itur ergo ad CYPRIANVM nobilem tunc cum primis magum, & orco omnes amores contra IUSTINAM evocatur. Sed omnes faces incestæ, omnia tela unico crucis clypeo repelluntur, & totus Cupidinum exercitus ab unicâ fugatur Dianâ. Enimvero irasci hic arti suæ, sed multò magis artû magistro cacodæmoni CYPRIANVS: & quia hic victum palàm se fatebatur, nuntium illi mittere, jamque libros & in libris Venerem Vulcano dare, ipse Christo & IUSTINÆ adhærere. Cum hac in exilium, in carcerem, in equuleum, in bullientes à flammis sartagines, ad palum denique & secures ivit. Itaque quando hodie virgini IUSTINÆ vitum magnum CYPRIANVM, hoc est oviculæ lupum, junximus, an non aurea secula reduximus? Ex Lippeloo.

Illum amemus, quem amare debitum est, illum osculemur, quem osculari castitas est: illi copulemur, cui nupsisse virginitas est: illi subjiciamur, sub quo jacere supra mundum stare est: illi commoriamur, in quo vita est. S. Paulin. ep. 4.

S. NILVS ABBAS. 26. Septembris.

Optimè omnium post conjugis mortem viduam vitam NILVS egit, quando solus jam in locis solis egit. Sed quid dico solus, quando exempli socios complures, & Cryptæ Ferratæ Abbas im.

imperium in Magnates, & adedò Imperatores & Pontifices habuit? Nam, ut alios taceam, Euraxium Imperatoriâ præfectura superbum morbo curavit, & inter monachos adscriptum morbo paulò post felici beavit. Alios viros Principes, quòd inventum monachi cucullum riderent, graviter objurgavit, edixitque id fore, quòd tactum mox est, ut seridò hunc, sed seridò ante mortem essent petituri. Ipsum Ioannem XVI. Pont. & Othoneum Imp. censoriâ virgâ notavit. Et ille quidem cum videre errorem suum nollet, oculos amittit; hic poenitentia ductus patrem sensit B. NILVM, & manus hujus, in quas ille coronam unaque se & sua tradiderat, benè precantes habuit. Quidvis etiam Otho promittens, si peteret modò NILVS, illud audivit, nihil nisi animum Imperatoris ex toto imperio se petere, memor esset, quos orbis nunc adoraret fasces. Dictatori olim supremo submitteudos. Hoc Principibus, illud omnibus omnino proderit. Invisere ad NILVM viri è primâ nobilitate iudemque literati. Sed ille inanes disputantium argutias exosus, thesin legi iussit inexpectatam, Simconis Eremicolæ inquam visum, quo vix decimum quemque mortalium cælo asserendum affirmabatur. Cohorruere ad hæc omnium animi tunc. At nostri philosophi Hexaciti omnes sunt rident, nescio an tam feliciter decimandi. *Ex Baron. tom. 10.*

Si quem videris superbiâ tumidum, habitu splendidum, & comitantium catervâ reliquos prementem illi ne invidias, neque perturberis, sed fortis ac temperans esto. & eum paulò post extinctum aspicias: ois enim illi perpetuò florent, qui Dei obtemperant voluntati. S. Ephr. in Vic. rect. rat.

S. CAL.